

**Nwa' wvù Baul to saᅇε ê kentaashε
ke
Filibi
Fiε fi nu ê Nwa' wvu Filibi
wvun e**

Nwa' wvun to saᅇ Baul fô kentaashε ke bonyii bo mbee le ke Filibi le. Wvú nu ê ᅇᅇoo boᅇwa' bò wvù to saᅇε yew ncaw e Lum. Fiε fi to geε é Baul se saᅇ ᅇwa' wvun to nu keeduᅇε le wen nu ε yεn bigew bì kentaashε ke Filibi kedvu to tumεε. Ekufe ke diεw Baul e ê ᅇwa' wvun e nu le, “Fô me le, é me nu dvú, tu me nu ke bee Klistu, me é ᅇkpwe, é enu sew fô me le”. Baul jemyi ekumε bvukuke bvu Tata wesebeene wvù Jisos Klistu le, no wvú to shikεε ekole kew tu diεwε nfwa le, ε Nyo' mum ke bense wvú, geε bvudvuu bvù kuuke fele bvu wee tfuu le.

Bikuu bi mwεεm e ê ᅇwa' wvun e

1:1-11 Keᅇkewce

1:12-26 Mwεεm mvù kooyi bô Baul

1:27-2:18 Nce wee wvù nu ε taashε bô Klistu

2:19-30 Njeme ekumε Timatio bô Ebaflodaytus

3:1-4:9 Ntefe ekumε bonyii bo bvuban e noo
boᅇw

4:10-20 Bonyii bo Filibi nu nsáa Baul

4:21-23 Kemεse

¹Nwa' wvun saᅇ me wvù Baul bee Timatio bò nu boom bo lemme le bo Klistu Jisos e. Nwa' wvun geεne fô ben e, bonyii bò nu bo Klistu Jisos e bocii

Filibi bô bocee bikuu bi kentaashε ke bonyii bo mbee le noo bonyii bô fici gee dilemme ê kentaashε ke bonyii bo mbee le ente.

² Nyo' Icee wesebeene bô Tata Jisos Klistu ebuw ben bô kembonεn, ebvuu enya ben bô mvuntelem mvù læεtene.

ε Baul nya keyoone ε Nyo' fô bonyii bo Filibi le

³ Me ηke ηkpawci ekumε ben sekecii, no nyaa ke ε ε nu keyoone ε Nyo' wεm.

⁴ ε me ndioo mbunlee bunle yεm yicii fô ben e bocii, no mbunlee n'yuuke njon,

⁵ njefo ε kεw yî diuu di fwe le ε to ε buy εben e, nu ε ben ε taashε beene keelemte le saaka wvù jee wvu ekumε Jisos Klistu egεne fwe.

⁶ Me ηkee naa ntay le Nyo' wvù kεwεε lemme di jee din yî yene le nu ke egεn dvù fwe egεn emεse diuu di Jisos Klistu nu ke ekase eto le.

⁷ Fí nu læη le me enkpawci ekumε ben nonεn, njefo ben nu fitele fiem, ε beene leeme yî fiεε le fimwaan ε è nu fí fi Nyo' nu ε buw beene dvù. Beene leeme yî dvù le keseen wvù me nu yî ncaw e, ke no beene to leeme seke me nto mbεε ηghane ntanyi diuw saaka wvù jee wvu ekumε Jisos Klistu ηgee ε wvù ciime ntay.

⁸ Me njemyi nεn ε Nyo' kee naa ntay le me ηkeηke shiee wene, ηkoonke ben bocii ke læηlæη no Klistu Jisos koonke.

⁹ Me mbunlee le keηkonεn kenεn ekuù gεne fwe fwe, é ben ekeηke bvufee, taasse mwεεm ntay.

10 Ben nu dioo taasse nonɛn, emum ecawte mvù looci nu læŋ. Nonɛn, é ke edioo enu diuu di Jisos Klistu kaase too, é ben enu yuule, nu sɛ nlom.

11 Ben nu ke enu nonɛn njefo Jisos Klistu nu ε ge ben ε no kɛŋke nce wvu teyɛy, bonyii ε no yɛne bensee Nyo', tumte monkum mew.

É Baul no nu yí ncaw e, ε saaka wvu ekumε Jisos gene kε fwe

12 Boom bo bwεem e, me ngomte læ ben ekiεε læ mwεem mvun mvunciim mvù nu ε kooy bô me nu ε loocε ε ge saaka wvù jee wvu ekumε Jisos ε ku ε gɛn lo fwe fwe.

13 Mwεem mvudvu nu ε ge bonyii bô cɛyɛ nɔw wvun fô me nu, noo bonyii bocii ε kiεε læ me nu yí ncaw e fɛn nɛn, nje me nu wee Klistu.

14 Ncaw wvù me nlemte wvun nu ε bvuu ε ge boom bo bwee wesebeene le nteen ε mɛsɛ ε lese fitele yí Tata le ε no fewci diɛw Nyo' tɛmyi lo, yaa fane kε.

15 Me ηkee læ bó bomew fewci naa ekumε Klistu nɛn bene ε è nu kendoŋ bee bó, taanke lemme diem. Geenɛn ε bomew fewci fibole bô mvuntelem mvù yuule.

16 Boban fewci nonɛn, njefo bó koonke me, ε bó kee lo læ me nu yí ncaw e fɛn ε è gɛke Nyo' me læ me entomtè saaka wvù jee wvu ekumε Jisos Klistu.

17 É bomew ba fewci ekumε Klistu kε fomvu fomvu bô mvuntelem mvù yiile wvu læ bó egeè nonɛn biise ηgɛw yí ηgɛw wvù me n'yene wase yí ncaw e fɛn.

1:10 Lum 12:2; Efɛ 5:27; Ibu 5:1; 1Kol 1:8; 2Kol 5:10; Fili 1:6; 2:16

1:11 Jon 15:8; Jɛm 3:17

1:12 Efɛ 3:1; 2Tim 2:9

1:15 2Kol 2:17

18 Fifiε κενκε la keege? Κενεε bó fewci nonen bvulle lo, κενεε bó fewci bô kecεεy, tu me n'yuuke κε fiem ε ε̄ nu njon njefo ficii nu ε bó fewci κε ε̄ nu εκυμε Klistu.

19 Ε̄ nu κε no me nu ηκε en'yuuke njon nonen, njefo me ηkee lo λε no ben bunlee fô me le, ε Keyoy ke Jisoy Klistu le bvuu fii me, nu ε me nu ηκε emboy yî ηγεω e.

20 Fiεε fi me nlooci ntaale fwe ε me ε nlese bvufee yî dvú le nu λε fo me ηκε enge naa lo fiεε fi ege ε̄ me en'wuumene κε. Me nu ηkkuu κε ε̄ nu shém, enleeme ntemyi sekecii, se ge keseen wvu λε κενεε me ε ηkpwe, κενεε me nu dvú, ε̄ fiεε ficii fi me ηgee, ecawsè κε ε̄ nu diee di Klistu le we.

21 Me njemyi nonen nje, fô me le, ε̄ me nu dvú, tu me nu κε bee Klistu, me ε̄ ηkpwe, ε̄ enu σεω fô me le.

22 Geenεn, ε̄ ε̄ nu λε me nu enu dvú, ε̄ me engeè lemme di efii bonyii ntay. No mwεεm mvun nu mvunfεεm nen, me mbaa embvuu enkίεε laa me nu encaw fi la λε.

23 Me ntuwtene lo εντελεη jodvu. Me ηgomte λε ε̄ be nulo ε̄ me engene fiem engen enu bee Klistu. Fifiε jee fele keenu dvú.

24 Geenεn, ε̄ fí jee baay λε me enu dvú nje yene.

25 No fí nu nonen, me nlooci naa ηkee λε me nu enu dvú nlemte beene bocii wvu λε ben ekuù gene fwe bvuu yuuke njon no ben nu ε lese fitele yî Klistu le.

26 Nonen, ε̄ me ndioo ε̄ ηkase ε̄ nto ε̄ no nu beene, ε̄ ben ebvuu ebensee lo ye ntay εκυμε Klistu Jisoy nje yem.

Ben eceè nce wvù Jisòs Klistu gomte

²⁷ Fiεε fi me ηgomte keenḡay nu κε ε ben eceè nce ε è nu wvù saaka wvù jee wvu εκumε Klistu gomte. Ben eceè nonεn, wvu ε kenεε me ε ηkase ε nto ε n'yεn ben e, kenεε me mbaa nto, é me en'yuuke κε ε ben leeme tεmyi, keηke fitele fimwaan, nu yî wee le mwaan, diuu yî fiεε le fimwaan, wvu ε saaka wvù jee wvun eḡenè fwe, ε bonyii beḡe dvú.

²⁸ Fo ben efanè naa lo bonyii bò bane ben yî saaka wvun e κε. Ε ben nu σε ben fane bó, é fifin eduḡci ê bó ε Nyo' nu ke eboyse ben, geenεn elese lo bó.

²⁹ Ben ekeè le Nyo' baa buw ben ε ben enù bonyii bo Klistu le κε ε ben elese ε è nu fitele yî ye le maan κε. Wvú nu ε buw ten le ben eyenè ηḡεw nje Klistu.

³⁰ Ben nu ε bene wase me le beene ε no diuu yî saaka wvun e bocii wvù ben to yεnεε ε me ndiuu yî dvú le, ε è nu κε wvú wvù ben yuuke le me mbεε yî dvú le keseen.

2

Ben ejòè kenfewsεn yî Jisòs Klistu le

¹ Ke ben nu ε taashe wase ben ε bo Klistu wvú ε ge ben ε no keηke mvuntelem? Ke keηkoηεn kew fô ben e nu ε ge wase mvuntelem mvunεn ε no yvuwse? Ke ben ε bo Keyoy ke Yuule nu ε taashe wase, ε Klistu keηke fitele fi jee fô ben e bvuu camte shen fô ben e?

² No fí nu nonεn, ben ege le é me emεse en'yuw njon. Ben enù diuw mwaan, koonkè bikuu binεn, keηkè fitele fimwaan bvuu keηkè ηkpawawε mwaan.

³ Fo ben dioo nu ε wee no kpwaake ke ε è nu ekumε ekolε kew kenεε bensee ye yi εcici ke. Wee tfuu eshike ekolε kew, eyenè wee mvu le fele ekolε kew.

⁴ Fo wee ekpwaakè ke ε è nu ekumε ekolε kew ke. Wvú ekpwaakè tεn ekumε bonyii bomew.

⁵ Kenge kenεn keηke keenu leηleη ke diεwε ke Klistu Jisos e.

⁶ Wvú to nu Nyo',
faηe yaa ejo fifie le è nu fiεε fi wvú emεy eghemte yí
dvú le ke,

⁷ geenεn, cine bvudvuu bvudvu le,
jo ε è nu bvu nfwale.

ε bó boo wvú,
ε wvú no nu leηleη ke diεwε wee wvu wum e.

⁸ Seke wvú to nu wee wvu wum,
ε wvú shike ekolε kew no yuuke Nyo' le,
ke bee keekpwe kpwe,
εfey mvunciim, kpwe yi yí kentam e.

⁹ No wvú to geε nonεn, ε Nyo' bense wvú
geε bvudvuu le bvù fele bvu wee tfuu le,
buw wvú bô diee di fele εdiee εcii,

¹⁰ wvu le wee tfuu wvù nu won wvu we le
bô wvù nu yí nshε le noo wvù nu ekuse jo nshε,

2:2 Jon 13:34; 1Kol 1:10-11; Gal 6:10; Εφε 5:2; 1Jon 4:12 **2:3** Lum 12:10; Gal 5:26 **2:4** 1Kol 10:24 **2:5** Jon 13:15; Lum 13:14; 15:5
2:6 Jon 1:1-2; 17:5; Ibu 1:3 **2:7** Jon 1:14; Lum 8:3; 2Kol 8:9; Ibu 2:14, 17 **2:8** Jon 10:17; Ibu 5:8; 12:2 **2:9** Lem 2:33; Εφε 1:21; Ibu 1:4 **2:10** Yεsa 45:23; Jon 5:23; Lum 10:9; Mwm 5:13

ke dioo ε yuw diee di Jisos e didvu, ηgvuum,
 11 ε wee tfuu ejemyi bô diuw we λε Jisos Klistu nu
 Cee Ekole.
 Ε bó edioo egee nonεn ε mbense egeεne ε Nyo'
 Ice.

Ben ebaà ε woη jan diεwε jón e

12 Nonεn nsáa yem shém, ben eyuukè ke tεn Nyo'
 le nonεn no ben to yuuke seke me nto nu beene.
 Ben eyuukè keseen fele lo wvù me n'yaa nu ke
 beene, egeεne fwe gee mwεεm mvu εκumε mboyma
 wene. Ben egeè nonεn, fane ciηke.

13 Ben ekeè λε ε lemte Nyo' yî yene le, gee λε
 ben eshieelè keegeε mwεεm mvù wvú koonke. Ε ε
 bvuu nyaa wvú mvuηgay keegeε mwεεm mvudvu
 dvú.

14 Ben dioo gee fiεε ficii fi ben gee, fo ben
 ewvukenè, keεεε beekè mbew ke,

15 wvu λε ben eyuule, nu se nlom. Nonεn, ε ben
 emum enu boom bo Nyo' le bò nu se jay εnteleη jo
 εηgokε kin kè keηke mvuntelem mvù yiile, buuke
 mwεεm. Ben ebaà ε woη jan diεwε jón e,

16 no ben jici * saaka wvù nyaa nshii wvù mεy lo
 ε bonyii le. Ε ben gee nonεn, ε ke edioo enu diuu
 di Jisos Klistu kaase too, ε me embensee ye λε me
 mbaa nlem lemme di εcici ke.

17 No ben nu ε lese fitele yî Nyo' le, tu ε nu ncese
 ε ben ε ge fô wvú le. Ε ε cim nu naa λε bó nu
 emεse enya me diεwε no bó ké fuu mbvuum, ebise

2:13 1:6; Jon 15:5; Lum 7:18; 15:18; 1Kol 12:6; 15:10; 2Kol 3:5

2:15 1:10; Dito 32:5; Dan 12:3; Mat 5:14; 10:16; 1Kol 1:31; 2Kol 1:14;

Gal 2:1-2; Εfe 5:8; 1Tεs 2:19 * **2:16** Keεεε λε, "... no ben fewci."

2:17 Lum 15:16; 2Tim 4:6; 1Jon 3:16

yî wene ncese le, é me en'yuuke ke ε è nu njon, nlanlanye beene bocii.

¹⁸ Ε me ηgomte le ben ebene me le é beene eyuuke njon, lanlanye.

Ε Baul jeme ekume Timatio bô Ebaflodaytus

¹⁹ Ε Tata Jisos beɲe lo, tu me n'yene le è sheke caan é me entum Timatio fô ben e. Wvú nu ke edioo ε to ε kase ε tu jim, esee ê me no ben nu, é fitele fiem elεεten.

²⁰ Κε me ηκηke wee mvu diεwe wvú le wvú looci naa keɲke ten shiee fô ben e diεwe no me ηκηke ke.

²¹ Me njemyi nεn, njefo wee nteen keɲke shiee ε è nu fô ekole kew e, yaa taale ke ekume fiεε fi Jisos Klistu gomte le ke.

²² Geenεn, Timatio nu ε ben kee wase wee wvú è nu wvú, no wvú nu ε lem wase bee wvú keefewce saaka wvú jee, ε wvú lemte bee wvú leɲleɲ diεwe no wan ké no lemte bô ice.

²³ Ε nu fiεε fi me n'yene le è sheke caan é me entum ε è nu wvú. Fiεε fi me mbεε ntaale nu keen'yεn laa mwεεm nu etu nεε le yî yεm e le.

²⁴ Me ηεεle bvufee yî Tata le le è sheke caan, é me keβεε ento ten en'yεn ben e.

²⁵ Me n'yene le fí nu shiee le le me enkase enciinse Ebaflodaytus ê ben. Wvú nu waa bwee wesebeene, ε bee wvú lemte bvuu diuu yî diεw Nyo' le. Ε nu wee wene ntum wvú ben to tumεε le wvú eto etaale fô me le.

²⁶ Wvú se keɲke wase shiee keeyεn ben e bocii, ε fitele buuke wvú no wvú se yuwεε le ben nu ε yuw le wen cεmte lo.

²⁷ Ε nu keceey, wvú se nu ε looce ε cem ε shee ke caan keekpwe. Geenεn, Nyo' se nu ε cam shen fô wvú le, ε ke wvú se cam ke ε è nu fô wvú le maan ke. Wvú nu ε cam ten fô me le le fo wvú ekpwe ebvuu ebise ηgew yî wvù me n'yene wase le ke.

²⁸ Nonεn, me ε mum ε no nshieele naa baay le me enciinse wvú, wvu le ben ebvuu eyen wvú le eyuuke njon, é fitele fiem ten elεetene.

²⁹ Ben efiεen wvú diewe bonyii bo Tata le bô njon. Bonyii diewe wvú le nu bô è nulo é ben ewvumte.

³⁰ Me njemyi nen njefo è to sheke caan tu wvú to kpwe nje lemme di Jisos Klistu le no wvú to nyae ekole kew keetaale fô me le yî bvudvuu bvunen e.

3

Fiεε fi kuuke nu keekiεε Klistu

¹ Boom bo bwεem e, keemεεse, ben eyuukè njon le ben nu bonyii bo Tata le. Me nu ε nsan wase mwεem fô ben e, ε ke è nulo é me endose keenjemyi ηkaase ntuu fó ke. Me ηgee nonεn keenngemηgame lo ben.

² Ben dioo nu, no yenè ben ε bonyii ba bô gee mwεem mvù befe, leeme ke le bó keηke ke keesεyi ye bonyii le bó tfuuse bó yew. * Bonyii bodvu ba nu lo bwé.

³ Ε nu beene ban bô nu ε keηke ntfuse yew wvu leη, beene ban bô bunlee Nyo' no Keyoy kew duηci. Beene bensee ye ε è nu nje Klistu Jisos, ke beene leese bvufee yî mwεem mvù è gee bonyii le ke.

2:29 1Kol 16:16, 18 **3:1** 2:18 **3:2** 2Kol 11:13 * **3:2** Bó to joo le é bó tfuse wee yew, é wvú se no nu le wen nu wee Nyo', ε è nu no nce Bojuu to nu. **3:3** Lum 2:28-29

⁴ Geenɛn, è nɛlo é me ɲkɛɲke tɛn shiee keenleese bvufee yî mvumwɛ mwɛɛm e. Ɛ wee fɛn nu dvú wvù kpwaake le wen nulo ekɛɲke shiee keeleese bvufee yî mvumwɛ mwɛɛm e, tu me ɲkɛɲke wvù fele wvu mwɛtɛn.

⁵ Me nu wee wvu Islael, ê kfuu di Benjamin e, nu wee Ibulu, ɛ è to boke Bo'ibulu me, ɛ è ke no nu ɛdiuw nyɔɲ ɛ bó tfuse me yew. Ɛ dioo tu ê keba ke bonci bosɛse le, nu ɛ me nto nu wee Falasii,

⁶ nɛmyi naa ntay yî fiɛɛ fi Nyo' le, mbone bikaa ê kentaashɛ ke bonyii bo mbee le ɛjim. Ɛ keba ke bonci bosɛse le no è nulo é wee enu teytey, me nto mbaa ɛɲkɛɲke jay kɛ.

⁷ Geenɛn mwɛɛm mvù me nto nshee n'yɛne le è nu mwɛɛm mvu sɛw e fô me le, nu ɛ me n'yɛne wase keseen le è nu mwɛɛm mvu ɛcici, nje fiɛɛ fi Klistu ge fô me le.

⁸ Kɛ è mɛy kɛ fifiɛ kɛ, kecɛɛy, me n'yɛne mwɛɛm mvunciim e ɛ mvú nu lo mwɛɛm mvu ɛcici fô me le, njefo fiɛɛ fi kuuke fele mwɛɛm mvunciim nu keekiɛ Tata wɛm wvù Klistu Jisos ntay. Me nu ɛ nlan mwɛɛm mvun mvunciim nje ye. Me n'yɛne wase mvú le ɛ è nu mwɛɛm mvu nnyɛn e, wvu le me enù bee Klistu,

⁹ é bee wvú emɛse eleynɛn, enu yî wee le mwaan. Me nu ɛ Nyo' ɛ jo wase me le me nu teytey fô wvú le. Wvú jo nonɛn njefo me nu ɛ nlese fitele yî Klistu le. Me ɛ mum ɛ no nu teytey no wvú joo bonyii bò nu ɛ lese fitele yî Klistu le. Kɛ me mbvuu njoo naa lo le me nu teytey mbii no me nto ɲkpawaci le wee ké no nu seke wvú bii bonci bosɛse le kɛ.

¹⁰ Fiεε fi me ηgomte keseen nu ε me enkiye Klistu ntay, enkenke mvunḡay mvù wvù kenke no wvù to kasεε ebuy yî kpwe le. Me ηgomte ten keen'yen ηḡεw no wvù to yενεε, bô keenya εkolε kem ê kpwe no wvù to nyaε,

¹¹ wvu ε Nyo' ke ebvuse ten me yî kpwe le.

Me mbone ηaη ntaale fô me ηḡene

¹² Ke me ηgayte nen ε me nu ε ηḡe wase mwεεm mvun kenεε ε me nu ε nfεse wase ke. Me mbεε mbone ke ηaη ε me ηke enlanj kebo enjice mwεεm mvudvu le ê me εbo, njefo Klistu Jisos nu ε jo wase me wee we le.

¹³ Boom bo bwεεm e, ke me n'yene ε me nu ε njice wase mwεεm mvudvu le ê me εbo ke. Geenεn fiεε fi me ηḡee nu ε me ndaayi ê mwεεm mvù nu ε fey wase le, mbone ηaη ε me enjice ε è nu mvù nu fwe le.

¹⁴ Me mbone ηaη ntaale ke ε è nu fô fô me ηḡene, keenkenke mmawce wvù è nu ntee wvù Nyo' nu ε tee me ε me emben ento we no me nu ε ntaashe bee Klistu Jisos.

¹⁵ Beene bocii bô nu ε cime wase ḡεη yî Jisos Klistu le kenke keekpwawci mwεεm mvun. Geenεn, é ben bomew kpwawci mvunεn mwεεm jεεy, tu è nu ke eyuuse wase Nyo' ê ben.

¹⁶ Fiεε fi baay nu ke ε beene ejicì ε è nu fiεε fi beene nu ε yεεyi wase le ntay.

¹⁷ Boom bo bwεεm e, ben ejoò kenfewsεn fô me le, ebvuu etaalè ten nce wvù bonyii bomew cee bô nu ε jo kenfewsεn fô bese le.

18 Me njemyi nen njefo no me nto nké no njemyi wase ê ben bokaŋ e bokaŋ e, ε mbvuu ε no njemyi keseen bô misεm ê jise le bonyii bomew nu dvú bô cee nce wvù duŋci le bó bane lo saaka wvù le Klistu to nu ε kpwe yî kentam e.

19 Boba bonyii nu ε bó nu ke elése lo bó. Wvubo nyo' nu diuwdiee. Bó bensee ye yî mwεem mvù bó bee keewuumene lo yî dvú le. Nkpawace wvubo nu ke ε è nu yî mwεem mvu fokuse fεn e.

20 Beene nu fisεεbeene bonyii bo won wvu we le. Ε è nu fó fô beene looci cεyte le Mboyse wesebeene wvù Tata Jisos Klistu nu ke enε se to.

21 Wvú nu ke edioo ε to, ekumen ye yesebeene yi ncεwncew yin é yí etu diewe ye ye yî kenke bvujonke le. Wvú nu ke ekumen ε è nu bô mvunɔay mwew mvù wvú nu ke ebaance mwεem mvunciim dvú enu εwe jodvu.

4

Ε Baul nya ntefe ê bonyii bo mbee le bo Filibi

1 Nonen boom bo bwεem e, me nkoonke ben baay mbvuu nkεnke shiee keen'yεn ben e. Ε nu ben bô gee ε me n'yuuke njon, ε ben bvuu nu kefo kem ke bvunfon e. Nsáa yεm, ben emum eleemè ke temyi ben ε bo Tata nonen.

2 Me nleke le Εwodia bô Sintiki emεεshe fiεε fi bó kenke etu diuw mwaan no bó nu wee bô waa bwee nje Tata.

3 Me ε no nɔayte tεn ê wo we wvù looci nu naa wee wεm nɔoo le wo efi ke bokεε ban é bó etu diuw

mwaan. E nu bonyii ε bó ε katεn wase bee bó yí lemme di saaka wvù jee wvu ekumε Jisos Klistu le bó bo Kelεmεn noo bonyii bomew bò bee bó to lemte. Bonyii ban bocii nu ε ediee εbo nu wase ê ηwa' bonyii bò κεηke nshii wvù mεy lo le.

⁴ Ben eyuukè njon sekecii no ben nu bonyii bo Tata le. No me ηgay nu ε me mbvuu ηkaase ntuu fó λε ben eyuukè njon.

⁵ Ben edunçì gee di nyεkeey ê wee tfuu, ekumyì λε kefew kè Tata nu ke ekase eto nu wase nceencee.

⁶ Fo ben ebuukè naa lo ekumε fιεε fimew κε. Ben ebunleè lo fô fιεε ficii le γεεle fwe dvu Nyo'. Ben dioo bunlee no biite mwεεm mvù ben shieele ê wvù, enyaà keyoone yí mvù wvù gee le.

⁷ E ben gee nonεn, é Nyo' emum enya ben nyεkeey we é wvù ecεyte mvuntelem bó bvufee bvunεn no ben nu bonyii bo Klistu Jisos e. Nyεkeey wvun wvù Nyo' nyaa nu ε κε è nulo é wee ekiεε kenfewsεn kedvu κε.

⁸ Boom bo bwεεm e keemεse, mwεεm mvù ben κεηke keekpwawçì nu mwεεm mvù nu mvu keceεy bó mwεεm mvù κεηke n'wvum, noo mwεεm mvù nu λεη. Ben ekpwawçì mwεεm ε è nu mvù yuule bó mwεεm mvù bonyii ké no kooηke noo mwεεm mvù sem nulo eta wee dvú. E mwεεm nu dvú mvù looci jee, é mwεεm nu dvú mvù è nulo é bonyii ebεnsee, é ben no kpwawçì ε è nu ekumε mvumwε.

⁹ Ben egeè mwεεm biì κε ε è nu n'yεεyi wvù me nto nyaε ê ben e, κεnεε è nu mwεεm mvù ben to yuuke lo ê me, κεnεε è nu mvù ben to yεne lo. Ben

nu dioo gee no nɛn, é Nyo' wvù gee ε mvuntelem mvu bonyii le nu nyεkeey emum enu ben ε bó.

É Baul yuw njoŋ no bonyii bo Filibi duŋci shiee fô wvú le

¹⁰ Tata nu ε ge me ε no n'yuuke njoŋ baay no ben nu ε bvuu ε duŋce shiee wene fô me le ke no ben to shee duŋci. Me ηkee naa ntay le ben se keŋke ke shiee fô me le, geenɛn tane ε è nu je.

¹¹ Ke me njemyi nɛn le me nse ntane fiεε ke. Me nu ε n'yεyi wase ε ηkiεε keenfiisene mwεem mvunciim.

¹² Me ηkee no wee ké no nu seke wvú tane, ηkee no wee ké no nu seke wvú keŋke baay. Me ε mum ε n'yεyi fifin ε ηkiεε no è nulo é me enu sekeci yî mwεem e mvunciim keŋεε me nu ε ndie, keŋεε me mbaa endie, keŋεε me ηkeŋke baay keŋεε me ntane lo.

¹³ Me ηkee keeŋge mwεem mvun mvunciim nɛn, ε è nu bô mvuŋgay mvù Klistu nyaa ê me le.

¹⁴ Geenɛn, no me nciim ηgayte nɛn, ben nu ε ge naa ntay keefi me yî kefew ke ηgew wem e kin e.

¹⁵ Ben bonyii bo Filibi kee lo le è to nu seke me nto nɛn'yεε woŋ wene le Masedonia no me nto ηkewεε keenfewci saaka wvù jee wvun ê ben, ke kentaashε ke bonyii bo mbee le kemew to nu ε taashε bee bó keetasene can ke. É to mεy ke ben.

¹⁶ É to nu naa seke me nto nu Tεsalonika, * ε ben ciinse nfi ê me, bvuu ciinse.

¹⁷ Ke me njemyi nɛn le me ntaale le ben eciinseè mwεem ê me ke. Me ntaale baay ε è nu mmawce

4:11 1Tim 6:6-8; Ibu 13:5 **4:13** 2Kol 12:9-10 **4:15** 2Kol 11:8-9

4:16 Lem 17:1 * **4:16** Tεsalonika jan to nu kelaante woŋ wvù Masedonia le. **4:17** 1Kol 9:11

wvù Nyo' nu ke enya ê ben yî fiεε fi ben gee fô me le.

¹⁸ Ben to nu ε tum Εbaflodaytus bô nnya ε wvú to nya ê me. Me ε no nu keseen n'yaa mbvuu ntane fiεε κε. Me nto nu ε nfiisen nnya yidvu yicii, n'yεn ε yí duule fele lo no me nshieele. Nnya yin nu ncese ε ben ε ge fô Nyo' le, ε wvú ε fiisen, yí ε no samte shfuunkene ε wvú koonke.

¹⁹ Nyo' wεm wvù me mbunlee κεηke ntfu bvukukε bvucii bvù beene shieele, ε wvú nu ke enya ê ben fiεε ficii fi ben shieele, njefo beene nu bonyii bo Klistu Jisos e.

²⁰ Mbense enù fô Nyo' Icee wesebeene wvun e sekecii σε ηka. Fí enù nonεn.

Ngayma

²¹ Ben egay bonyii bocii bò è nu bo Klistu Jisos e enya ê me. Boom bo bwee wesebeene le bò nu bee bó fen gayte ten ben e.

²² Ε bonyii bocii bò è nu bo Nyo' le jan gayte ben e, εfey mvunciim bò nu ê ntow Kaysa le fen.

²³ Tata Jisos Klistu ebuw ben bô kembonεn kew é kí efici biyoy binεn. Fí enù nonεn.

**N'wa' Nyo' Monkan mo Monfem
New Testament in Noone (CM:nhu:Noone)**

copyright © 2011 Wycliffe Bible Translators, Inc.

Language: Noone

Translation by: Wycliffe Bible Translators, Inc.

Copyright Information

© 2011, Wycliffe Bible Translators, Inc. All rights reserved.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

The New Testament

in Noone

© 2011, Wycliffe Bible Translators, Inc. All rights reserved.

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2014-04-30

PDF generated using Haiola and XeLaTeX on 18 Apr 2025 from source files
dated 29 Jan 2022
5b12a3f8-7a2a-5b6f-b1da-1bf94b13fc2e